

**FORMALITATU
M
TRACTATULUS
AD MENTEM
DOCTORIS...**

Silverius Picellius





Grand:

IX B 119 /

FORMALITATVM TRACTATVLVS

Ad mentem Doctoris
ANGELICI, & SVBTILIS
CONFECTVS,

Ad ipsorum, aliorumue doctrinam
facilius, ac suavius addiscen-
dam, sibi que parandam,

*Admodum utilis, & necessarius, cum
ipsarum simul formalitatum
coincidentia.*

Opera, & industria Adm. R. P.

F. SILVERII PICELLII
a Podiofidone Reatin.

*Fratrum Minorum Strictioris Observantia, Pro-
vinciæ Romanæ Theologo, & Ordinis Pater.*


*Pergnet.
S. Fran.*





*ad Bibliotheca
Franciscan*

R O M Æ,
Apud Franciscum Caballum. 1655.

Superiorum permissu.







FR. SEBASTIANVS

A C A I E T A

Ordinis Minorum Regular. Obseru. in Cismon-
tana Familia Obseruan-
tium, & Reformatorum
Commissarius Generalis,
& seruus.

Dilecto nobis in Christo Patri Fratri
Siluero Picellio à Podiofidone,
Prouinciæ nostræ Reformatæ Ro-
manæ Theologo, & Ordinis Patri,
Salutem.


C V M iuxta Apostolicas,
nostriq. Ordinis Constitu-
tiones, reuifum, & appro-
batum fuerit a Theologis nostris

A 2 opu-

opusculum quoddam, cui titulus, Formalitatum Tractatulus ad mentē Doctoris Angelici, & Subtilissimē à te confectum: presentium ideò vigore cum salutaris obedientiae merito, concedimus tibi facultatem, quatenus illud, seruatis seruandis, Typis mandare possis. Vale.

Dat. Romae in Conuentu nostro Aracelitano 10. Nouembris 1654.

**Fr. Sebastianus à Caieta
Commis. Generalis.**



Reuerendiss. Patri
F. SEBASTIANO
A CAIETA

*Fratrum Minorum Observantium,
& Reformatorum Cismontana
Familia Commissario Generali
Vigilantissimo, Patri, & Patrono
Colendissimo.*



VM Tractatulum
de Formalitati-
bus iam olim di-
scordibus, nunc
verò concordibus, Doctoris
Angelici, & Subtilis confe-
cerim, ad vsum prorsus, &
cōmodum sectatorum om-
nium prædictorum Docto-
rum, illum tibi dicandum,
tuouè patrocínio innitēdum
censui, tūm ob tuam in cos

Summam deuotionem, ipsorumque doctrinæ plenam
affecutionem; tum quoque
ob tuam in me beneuolen-
tiam, & meam in te impi-
gram, & humillimam serui-
tutem; magnanimus ergò
(quæso) modicum à modi-
co suscipe ex corde tibi ob-
latum. Vale, viueque pe-
renne, ac scælix.

Datum in Conuentu San-
cti Francisci Transtyberim
die prima Nouembris 1654.

Pat. Tuæ R.

*Humillimus, & obsequen-
tissimus seruus.*

F. Siluerius Picellius à
Podiofidone Reatin.

**Imprimatur si videbitur Reueren-
diss. Patri Magistro Sacri Palatij
Apostolici.**

**Marcellus Ananias Episcopus
Sutrinus, & Nepefinus Vi-
cesgerens.**

Imprimatur.

**Fr. Saluator Pagliari Sacri Apost.
Palatij Magistri Socius.**



FORMALITATES.



CTVRVS de formalitatibus, primo agendum est de titulo, secundo de subiecto, & tertio de speciebus earum.

Titulus est, de formalitatibus, tanquam de principali distinctionum parte. Formalitas dicitur à forma, quæ communiter sumitur aut pro forma partis physice, aut metaphisice, vt anima, & rationalitas hominis Arist. 2. de anima tex. 4. Aut pro forma totius itidem Physici, vel Metaphisici, vt humanitas, & hominis definitio Arist. 3. Phys. tex. 17. Aut pro forma simplici, vt Deus, & Angeli Arist. 12. Meth. text. 51. Aut pro conceptu essentiali, vt risibilitas & aliæ propriæ rerum passionēs; Aut
pro

pro conceptu accidentali, vt albedo
Arist. 5. Phys. tex. 1. Aut etiam for-
tè pro omni secunda intentione, ac
enterationis; Aut tandem propriè
pro quacunque rerum quidditate,
seù quidditatiuo conceptu Arist. 2.
Phys. tex. 17. seù pro forma Artifi-
ciali Arist. 2. Phys. test. 28. formali-
tas ergo est omnis rei quidditas, seù
conceptus ex natura rei tractus; vel
est ens, quo aliquid est extra nihil;
cuius subiectum est ens quatenus
idem, vel diuersum, seù distinctum;
ens enim est subiectum materiale,
circa quod hæc scientia versatur;
Idem verò, vel diuersum est subie-
ctum formale, saltem circumloquu-
tium rationis formalis eius, sub qua
illud hic consideratur, & vniuersa,
de quibus hic agitur, finaliter redu-
cuntur. Distinctio pro formali, vt ge-
nus ad omnes distinctiones, impor-
tat relationem; dicitur enim distin-
ctum à distincto distinctum, est ha-
bitudo duorum extremorum, quo-
rum vnum nō est aliud in eo, in quo
distinguuntur; Aut est medium ne-

gandi vnum ab alio, quæ est sibi propria. Pro materiali autem significat ipsam rem distinctam, vt notum est. Identitas quoque distinctioni opposita, importat pro formali relationem, vt genus, ad omnes identitates, cum dicatur, vt supra, ad conuertentiam, idem eidem idem; Pro materiali autem sunt res, quæ sunt eædem, vt liquidò patet.

Animaduertendum est autem, distinctum, diuisum, & diuersum pro eodem aliquando sumi secundum Arist. propriæ tamen secundum Theologos, distinctum partium cuiusque rei, diuisum quantitatis tantum, & diuersum essentialium, separationem important, non idem verò dicit disunctionem cuiuscunque priuatiui à suo positiuo, vt non idem formaliter, non idem essentialiter, & sic de singulis.

De distinctionum, & identitatum numero diuersimodè locuti sunt formalistæ, tam Thomistæ, quam Scotistæ; Thomistæ quidem.

vndecim assignarunt, licet eas ad
numerum septenarium reduxerint;
reliquas verò, nempe formalem,
modalem, grammaticalem, & pri-
uatiuam, omnino descrentes, vt ha-
betur apud Matthiam Aquarium
Thomistam in suis formalitatibus,
cap. 1. & sequaces, existimantes
fortè illas verè, & realiter non esse
tales, aut non necessarias, aut in-
alijs septem implicite contentas,
vel ad easdem reducibiles. Scoti-
starum verò pauci tres tantummo-
dò assignarunt, realem scilicet for-
malem, & rationis, alias qua-
tuor paruipendentes, om-
nes alij amplexati sunt,
vt ait Chiordinus
Scotista
quaestio 7. suarum
formalita-
tum.



Distinctiones, & identitates Thomistarum.

Prima. Distinctio realis perfecta realitate existentia, & subsistentia, suppositi, & personæ, est inter res existentes, quarum una potest existere aliquo modo, altera non existente; qualis est inter causam, & causatum; generans, & generatum, ut inter sortem, & Platonem; de qua Arist. 5. Meth. tex. 11. Porph. in Prædic. cap. de specie, & D. Thom. par. 1. quæst. 10. & alibi.

Identitas huic distinctioni opposita est inter res, eandem existentiam habentes, quarum una non potest esse sine alia, ut notionalia in Diuinis, intellectus, & voluntas, innascibilitas, Paternitas, & Filiatio, communis Spiratio, & processio.

Sc-

Distinctiones , & identitates Scotistarum.

Prima. Distinctio realis propria est inter res positivas reales , & absolutas , quæ ab inuicem aliquo modo separari possunt: communis vero est inter quascunque res ab intellectu aliquo modo seorsim perceptibiles, qualis est inter causam , & causatum, producens, & productum. De qua Scot. in 1. d. 2. q. 7. Quæ, ut vides coincidit cum prima distinctione reali Thomistarum, ut ex ipsorum exemplis manifestè apparet.

Identitas verò præsentī distinctioni opposita est inter res , quæ non possunt ab inuicem separari , ut intellectus, & voluntas, vel , quæ se habent modo opposito huic distinctioni; de qua Scot. in 2. d. 1. d. 16. quæ pariter coincidit cum prima identitate Thomistica.

Se-

Secunda. Distinctio realis est inter rem includentem aliquid intrinsecè, & non includentem illud, ut inter hominem includentem intrinsecè rationalitatem, & animal non includens illam. De qua Arist. 3. de Anima tex. 9. Auerr. & Alexander Aphrodisæus ibi. 7. Meth. tex. 34. Porphyrius in Prædicabil. cap. de differen. secundum Albert. Boet. & Caiet. ibidem D. Thom. par. 1. quæst. 3. art. 3. primo contra gentes cap. 12. opusc. 3. cap. 10. & 7. meth. tex. 20. & 25.

Cuius identitas est non alietas, seu vnitas extremorum, seu rerum quarum vna nihil intrinsecè claudit, quod non claudat alia, quæ reperitur inter suppositum, & naturam Angelicam, per semetipsam indiuiduatam, ut docet D. Thom. par. 1. quæst. 3. art. 3. loquens, ut Philosophus, licet par. 3. quæst. 3. art. 3. videatur dicere, ut Theologus, oppositum; sicque non est sibi contrarius.

Ter-

Secunda. Distinctio realis formalis propriè dicta, est inter res positivas, quarum vna predicatur de altera in primo modo dicendi per se, ita ut id, quod sic predicatur distinguitur ab eo formaliter, de quo predicatur, ut homo, & animal secundum verba Scoti, ubi supra, voco autem (ait) identitatem formalem, ubi illud, quod dicitur sic idem, includit illud, cui sic est idem, in sua ratione formali, & per consequens per se primo modo; licet nonnulli ex Scotistis sensu contrario eam intelligant, & exponant; communiter verò dicta, est inter res habentes diversas formalitates supra positas. Quæ cum secunda Thomistica coincidit, ut patet.

Identitas ei opposita est inter inferius includens per se primo modo superius, & ipsum superius, in eo sic inclusum, ut patet ex dictis Scoti verbis. Sicque itidem in istis identitatibus conveniunt.

Ter-

Tertia. Distin&io realis est etiam inter rem includentem aliquid extrinsecè, & rem non includentem illud, vt suppositum Angeli includens accidentia, & natura eius non includens illa; aut quæ est inter intellectum intelligentem magnitudinis quidditatem in se, & sensum cognoscentem illam cum cōditionibus tantum singularium, scilicet vt existētem, sibi que, vt hic præsentem, quæ est illarum potentiarū, differentia ex parte suorum obie&torū secundum Phyl. 3. de Anima tex. 9. Huius identitas est rerum, quarum vna nil claudit intrinsecè, vel extrinsecè, quod non claudit alia, vt Deus, & Deitas differentes tantum ratione in modis signandi. Hanc etiam distin&ionem ponunt Thom. in substantijs immaterialibus, in quibus suppositū, & natura non intrinsecè, sed extrinsecè secundum rē, & rationem distinguuntur, cum suppositū, vt sic, includat subsistere, quod est esse per se non intrinsecè, sed quodammodo, vt proprium a&uram, per quē, si differeretur, deberet diffiniri.

Quar.

Tertia. Distinctio realis obiectiua est inter potentias, quæ non conueniunt in aliquo obiecto communi; vt auditus, & visus respectu soni, & coloris; & inter res, quæ non conueniunt in aliquo prædicato communi essentiali vniuoco, vel denominatiuo, vt vltimæ differentię specificæ, vel individuales; vt rationalitas, & irrationalitas, Sorteitas & Platoneitas, quæ sunt ens realiter, non formaliter; Vel inter intellectum, & sensum magnitudinem diuersimodè ex Arist. 3. de anima text. 9. apprehendentes; De qua Scotus 2. dist. 1. & d. 16. quæ optimè coincidit cum 3. Thomistica distinctione.

Identitas verò eius est inter potentias idem obiectum, saltem materiale, habentes; vel inter habentes idem prædicatum essentialē, vel denominatiuum, vt Sortes, & Plato respectu humanitatis, risibilitatis, & albedinitatis ipsorum, & intellectus, & voluntas in essentia Diuina; vel Deus, & Deitas; quæ etiam coincidit cum 3. Th.

Quar.

Q Varta. Distinctio realis respectiva est inter duas res relative oppositas, ut inter Patrem, & Filium in divinis, & similes, de qua Arist. in Prædic. cap. ad aliquid & 5. Meth. cap. de relatiuis, & D. Thom. p. 1. q. 40.

Cuius Identitas est inter duo absoluta, nullum respectum importantia, ut sunt omnia essentialia in divinis; quæ dicuntur essentialia, quia de qualibet persona divina dicuntur sigillatim, & de tribus simul in singulari, non autem in plurali, ut Pater est ens, Filius est ens, Spiritus sanctus est ens, non tamen tria entia; similiter; Deus est sapientia, iustitia, bonitas, veritas, & sic de alijs, quæ dicuntur essentialia absoluta, dicunt perfectionem, & præcedunt notionalia ad intra, ut paternitas, filiatio, spiratio, & alia; præcedunt quoque essentialia causalia ad extra, ut creare, gubernare, cōservare, & similia, vel secundum Scotistas, est inter res cōuenientes in vna, eademque relatione, ut pater, & Filius in spiratione actiua.

Quin-

Quart. Distinctio realis subiecti-
ua est inter res, quæ non con-
ueniunt in aliqua natura, seu realita-
te potenciali per differentias contra-
hibili, vt Deus, & creatura respectu
conceptus entis contrahibilis solum
ad eas per modos intrinsecos, nimi-
rum per finitum, vel infinitum, & in-
ter personas diuinas respectu essentie,
quæ nullam habet potentialitatem,
nec diuisibilitatem, vt patet, vel est
inter res, quæ sunt in diuersis subie-
ctis, vt scientia in intellectu, & boni-
tas in voluntate. de qua Scotus in 2.
d. 12. & d. 16. quæ etiam coincidit,
cum quarta Thomistica.

Cuius identitas est inter res, quæ
conueniunt in aliqua realitate poten-
tiali per differentias formales con-
trahibili, vt Sortes, & Plato, vel
bos, et leo; vel, quæ sunt in
eodem subiecto, vt duæ
species intelli-
biles in eo-
dem
intellectu.

Quin.

Quinta. Distingtio realis essentia-
lis est inter duas essentias positi-
uas, quarum vna verè negatur de
altera, vt inter potentias Animæ, quæ
sunt secundum D. Thom. in prædic.
qualitatis, & ipsam animã, quæ est in
prædicamento substantiæ, vel inter
essentiam Angeli, & intellectum eius.
*Vera sunt quoad essentias, non quoad
existentias secundum Scotistas, vt po-
tet;* Et inter omnes species, & genera
ex Aquar. c. 6. pag. 13. Arist. 7. methap.
tex. 4. & ex 8. tex. 16. & D. Thom. p. 1.
quæst. 54. art. 3. & ibidem parum
infra quæst. 77. art. 1. & par. 1. quæst.
47. art. 2.

Huius identitas est inter res in
vna essentia singularissima conueniē-
tes, vt tres personæ diuinæ, quæ in ea
sunt idem essentialiter; inter se tamē
distinguntur realiter hypostaticè;
non autem inter se propriæ differ-
runt secundum Ambr. lib. 1. de fide
cap. 3. & Damasc. lib. 1. fidei Or-
thod. cap. 5. Vel inter species, &
genera respectu suorum superiorum,
vt Sortes, & Plato, Bos, & Leo.

Se.

Quinta. Distinctio realis essentia-
lis est inter diuersas res positi-
uas habentes diuersas essentias nu-
mericas, specificas, vel genericas,
vt inter Sortem, & Platonem, in-
ter bouem, et leonem, & inter la-
pidem, & formicam; De qua Scot. in
2. loco citato. Quę reperitur in crea-
turis, non in diuinis, cum in tribus
personis sit vna, et eadem essentia sin-
gularissima omnino impartibilis, & in-
diuisibilis; et nihil sit multiplicandum
absque summa, et manifesta necessi-
tate; reperitur etiam in accidentibus,
et secundis intentionibus, non qui-
dem primario, sed secundario.

Identitas ei opposita est inter res
habentes eandem essentiam singula-
rem, vt personę diuinę respectu es-
sentię, vel habentes essentiam

specificam, vel genericam

vt Sortes, et Plato,

bos, et leo, et

hec adinui-

cem.

conueniunt cum Tho-
mistica.

Sex.



Sexta, Distinctio rationis ratiocinantis, seu formalis ex naturæ rei, seu secundum rem conceptam, est inter rem, & rem sub diuersis formalitatibus conceptas; Vel inter ipsos conceptus in se, omni intellectus operatione seclusa, ut ens, & bonitas, Deus, & sapientia; quam virtua-lem, seu causalem, vel distinguibilem aliqui formalistæ vocant; De qua Arist. 4. meth.tex. 3. 5. Meth. text. 10. & 8. text. 16. & 1. Ethic. cap. 1. & 3. physic. tex. 18. secundum Auer. ibi. qua utitur D. Thom. in de attributis.

Ipsius identitas est inter plures, res, vel vnā sub eodem conceptu quidditativo, vel formali, ut sortes in se, cum nihil sit magis idem, quam idem sibi, vel idem sortes à parte subiecti, & prædicati cum intellectus possit uti vno loco duorum, ut sortes est sortes. De qua Arist. 5. Metaph. text. 13. & 1. poster. cap. De per se.

Sexta. Distinctio ex natura rei communiter sumpta, est inter res de quibus duo contradictoria verificantur, quę conuenit omnibus rebus quacumque distinctione præter intellectum (et etiam suo modo per intellectum) distinctis, ut patet exemplis, ex illis sumptis, specialiter vero, et propriè, est inter ea, quę, licet non distinguantur aliqua ex dictis distinctionibus, de eis tamen duo contradictoria verificantur, ut definitum, et definitio, & similia, de qua Scotus in quol. q. 5.

Eius identitas communiter capta, et quęcunque rerum identitas præter intellectum existens, propriè verificanda, est inter ea, de quibus absque intellectu operatione duo contradictoria non verificantur, per intellectum vero sic, ut Sortes est

Sortes, et hæc quoque coincidunt, ad inuicem.

Vide Aquar.

cap. 10. in

fine.

Sep.

Septima. Distinctio rationis ratio-
cinantis, seu concipientis, fit per
opus intellectus comparantis idem
sibi sub diuersis rationibus, vt sortes
est sortes, sub ratione subiecti, &
prædicati, De qua Arist. 1. Priorum.
c. 33. & primo post c. 13. & 5. Topic. c.
4. & D. Thom. p. 1. q. 13. art. 12. & ali-
bi: quæ poterit reperiri inter duas res
sub duabus intentionibus secundis,
vt homo sub ratione speciei, & ani-
mal sub ratione generis; vel inter
duas secundas intentiones, vt genus
& species; vel in vna secunda in-
tentione posita à parte subiecti, &
prædicati, vt species est species, ge-
nus est genus: Et inter modos gram-
maticales, vt nomen, & verbum, &
& alios secundum Aquar. loco cit-
tato cap. 12. Cui non assigna-
tur identitas, nisi identitas
realis sortis in subie-
cto, & prædicato
secundum D.
Thom.
ibidem ex Aquario
cap. 12.

Pro

SEptima. Ditt. rationis est eadē omnino cum distinctione rationis ratiocinantis D. Thomę, Est enim hæc distinctio inter res, quæ non conueniunt in eadem secunda intentione, licet intellectus noster in omni re possit ponere, seu fundare aliquam secundam intentionem, etiam in Deo, vt Deus est ens, & Deus est Deus, in Deo à parte subiecti fundat intentionem subiecti, & in Deo, & ente à parte prædicati intentionem prædicati; Idemque dicendum de quacumque propositione, in qua idem prædicatur de se ipso, vt Sortes est Sortes, ratione subiecti, et prædicati à se differens; De qua Scot. in 2. vbi supra, d. 2. q. 7. Cui non videtur posse assignari identitas, nisi in primis intentionibus in eadem secunda intentione conuenientibus, vt Sortes est indiuiduum, Plato est indiuiduum, et bos, et leo sunt species: Quę (vt vides) omnino coincidunt; sed hæc identitas rationis non infert alias reales prædictas, vt perspicuum est.

B

Pro

PRo maiori prædictorum dilucidatione, aduertendum est primo. Prædictas D. Thomæ, et Scoti distinctiones, et identitates solum nomine, non re, aut parum inter se differre, vt ex ipsorum exemplis manifestum est, nam quinque ex eis, nempe 1. 4. 5. 6. et 7. ab vtraque parte concorditer ponuntur secundum Aquar. loco citato Cap. 12. Duæ vero reliquæ secunda scilicet, et tertia simul quoque Coincidunt, vt ibi clare conspicitur; Imò in eadem re sub diuersis rationibus sumpta, omnes inueniri, vt in Sorte, per omnes illas considerato, id inspicere poteris.

Secundo. distinctionem realem perfectam, seu proprie dictam, esse maiorem alijs distinctionibus secundum Scotum in quol. q. 2. tam intensiue, cum sit perfectior, quam extensiue, cum alias communiter inferat, licet non necessariò, seu essentialiter, sicut quæ sunt directæ in prædicamentis, cum inter eas non sit talis ordo; cui correspondet identitas realis eodem

dem modo minor; *Distinctionem*, verò, realem ex natura rei propriè dictam, aut etiam rationis absolutè, esse opposito modo minorè; Cui correspondet identitas eodè modo maior secundum aliquos Scotistas, ut discurrenti fit notum.

Tertio. ens non esse genus, sed genera generalissima transcendens, cum non habeat rationem partis potentialis propriè, nec differentias generi necessarias secundum Scotum in 1. loco citato, sed tantummodo modos intrinsecos; qui non sunt propriè differentię, constituentes speciem cum genere: quo etiam dato, tunc decem prædicamenta non essent genera generalissima, nec positiuè, nec negatiuè, haberent enim tunc genus superius, et maius eis.

Quarto. ens transcendens, Deo, et creaturis commune, prædicatur de illis uniuocè secundum Scotum in 2. d. 3. q. 3. cum prædicetur de eis nomine, et definitione, seu Conceptu quidditatio: De nomine quidem parer, de conceptu verò, qui est, id,

Quod est, seu sua essentia, similiter patet, cum omne, quod est, sit id, quod est quidditatiuè, seu suum esse est sua essentia, quod est ipsum esse vniucum; In æquiuocis quoque non datur contradictio, nec consequentia, vt notum est, sicut dantur in ente sic sumpto. Ceterum, Scotus in Predic. q. 4. ait, ens esse æquiuocum logicè, et in 1. elench. q. 15. asserit illud esse æquiuocum logicè, et analogum metaphysicè.

Pro cuius declaratione dicitur ab aliquibus Scotistis ad mentem eiusdem Scoti, id esse vniucum analogum metaphysicè, esse verò æquiuocum physicè, cum Deus, et creatura non conueniant in vna natura, et etiam logicè, cum non conueniant in vna secunda intèrione communi, Analogum verò purum non datur secundum Scotum, vbi supra; Analogia quippe, aut est secundum vocem tantum, et tunc dicitur æquiuocum Analogum, aut est secundum vocem, ac rem, et sic dicitur vniucum Analogum, sicut est hic, primo enim

ens

ens secundum vocem, et rem conuenit Deo, deinde eodem modo creaturis. In diuinis quoque ens vniuocè analogicè prædicatur secundum Scot. in 1. d. 1. q. 2. prius enim ens dicitur de essentia, quàm de suppositis, licet q. 19. quol. ar. 2. videatur dicere oppositum, non est autem sic: quod non videtur posse subterfugi à sufficienti diuisione, ac posse sic oppositæ partes concordari, ens enim est vniuocum æquiuocum, et Analogum, vt supra.

De differentijs verò vltimis non prædicatur vniuocè in quid secundum Scotum in primo loco præallegato, nam tunc, vel daretur processus in infinitum, aut ex eo, & differentia contrahente fieret compositio realis, nec tunc ipsa foret vltima, nec simplex, nec primo diuersa, vt patet, quæ sunt absurda; quamuis de eis prædicetur vniuocè realiter, seu sit prædicatum vniuocum, seu commune in prædicando, non tamen formale quidditatum, cum id solum competat enti limitato, decemque prædicamentis applicato, vt re;

Etè discurrenti apparet. Nec itidem de suis passionibus vniuoce in quid predicatur, licet enim hæc propositio, ens est vnum, sit per se per seitate secundi modi, non conuertitur tamen in hanc per se, vnum est ens, eadem perfecte, nec maiori primi modi perfecte, vt notum est logicis peritis.

Hos autem multipliciter diuiditur, primo, in ens proprie reale, non dependens ab intellectu creato, vt lapis, & lignum extra ipsum, & in ens rationis, ab intellectu creato actu re-cto, vel collatio actu fabricatum, in eoue subiectiue per se, vel per aliud, & obiectiue, etiam in Deo, inans, secundo. In ens creatum à Deo in esse existentia, & ens increatum non habens sic esse, vt Deus, & quæcunque sunt in eo. tertio, in ens infinitum carens principio, & fine, durationis, & perfectionum, vt Deus actu infinitus intensiue, & extensiue; & finitum habens principium, non tamen finem durationis, Deo illud conseruante, sed finitas perfectiones.

quar.

quarto, in ens immortale, seu incorruptibile non habens materiam, & formas contrarias, mortalitatem inducentes, vt Deus immortalis à se, primario, totaliter, per se, & independenter; Et in ens mortale habens materiam subiectiuè, & remotè, & formas contraria formaliter corruptionem inferentes.

Quinto, in causam agentem, & dātem esse effectui, quæ aut est vniuersalis, vel particularis, vniuoca, vel æquiuoca, per se, vel per accidens; Et in effectum, recipientem esse à causa, vt Deus, sol, & homo generant hominem; sexto, In ens in potētia (quod est imperfectum) vel essentiali ad actum primum, seu ad substantiam, vel accidentali ad accidens, vel naturali ad aliquid inclinando naturaliter, vel violenta ad oppositum suæ inclinationis naturalis, vel actiua, vel passiuā, vel tandem neutra, indifferenti ad omnem formam secundum Scotum in 4.d.48, q.2. vt materia ad formam, lapis ad hanc, vel illam figuram, & voluntas ad hoc, vel

B 4 illud

Illud velle; Et in actu, dum actu est, vel operatur, vt est actus primus, nē. pē actualis essentia rei, & actus secundus accidentalis, vt intellectus, & actus eius intelligendi; datur etiam potentia subiectiua, seu materie, habentis actu essentiam, & potentiam ad formam, quam non habet, vt intellectus, & sciētia, & potētia obiectiua, quæ est res in vi & potentia agentis, vt modo Antichristus creandus.

Septimo, in ens vniuersale in prædicando, vt genus, & species; & vniuersale in essendo per indifferentiā, vt humanitas in sorte, quæ potest dici etiam particularis ratione sortetatis, illam determinantis secundum Scotum 2. d. 3. q. 1. ad 1. Et particulare in prædicando, vt sortes.

Octauo, In ens independens ab aliquo in esse, vt Deus; & sic dependens, vt cunctæ creaturæ. Nono, in ens, quod est substantia increata, vel creata, materialis, vel immaterialis, vniuersalis, vel particularis, prima, vel secunda, quæ est fundamentum omnium accidentium nouem prædic-

ca-

camentorum, ad quæ reducuntur vltimæ differentiæ, passionēs, priuationes, & negationes; Et accidens, quod est corporale, vt prædicta, vel spirituale, quod est in intellectu, vel voluntate creatis.

Decimo, in ens simplex, non habens partes essentielles, nec quantitativas, vt Deus, qui est totaliter simplex, ac summè simplex, non compositus, nec componibilis, non habens rationem partis, & simpliciter simplex, non resolubilis in plures conceptus, qualis non est Deus secundum aliquos, non tamen secundum Scotum q. 9. quol. ar. 1. qui resoluitur in plures conceptus, vt manifestum est: Et compositum ex materia, & forma, ex genere, & differentia, ex actu, & potentia, ex subiecto & accidente corporali, vel spirituali; De celo dubium est; si dicatur tamē ipsum esse compositum ex materia, & forma, non ob hoc potest actu corrumpi, cum non sit Corpus mixtum, nec recipiat peregrinas impressiones corruptiuas, de quo alias.

B 5

Vn.

Vndecimo, in ens immutabile, quod nullo modo mutari potest, ut Deus, qui est immobilis secundum Arist. 8. phys. & simpliciter necessarius secundum Scotum in 1. d. 8. & mutatio dicit in eo maximam imperfectionem; Et mutabile creatum, ut omnis creatura varietati subiecta, quia ex nihilo effecta, ab alio dependens, receptiva accidentium materialium, & spiritualium.

Duodecimo in ens necessarium, quia incorruptibile ex se, ut Deus, qui est necessarius ex se simpliciter, ac totaliter necessitate absoluta, non defectibilis, ac sine neces. Et contingens ut sunt creaturae, quae, quando sunt, possunt non esse, & è conuersò veritabiliter, tum ex voluntate diuina secundum Scotum in p. d. 39. sic eas producente, tum etiam ex voluntate creata liberè agente, & à voluntate diuina in esse dependente.

Decimotertio in ens vnū, quod est indiuisum à se, & diuisum ab omni alio; & est multiplex genere, specie, & numero, per se ex materia, & forma,

ma, vel ex actu, & potentia in creaturis, per accidens ex substantia, & accidente, & aggregatione, vt lapidum accruus ex Scot. in 1. d. 2. q. 2. & simplicitatis secundum Scotum in 1. d. 2. q. 1. diuinæ essentia; Vnitas prouenit à natura, vel esse rei; Et multa, quæ habent diuisionem inter se, genere, specie, indiuiduo, substantia, & accidente; multitudo verò ab essentia rei illimitata prouenit per se, & per accidens à materia, præsertim in creaturis materialibus.

Decimoquarto, in ens simpliciter, quod est perfectum & totale, vt Deus; vel est fundamentum accidentium, vt substantia; & secundum quid, vt accidens, vel pars, vel quodcunque ens imperfectum

Decimoquinto, in ens per se, constitutum ex his, quæ sunt in eodem prædicamento physicè, metaphysice, vel logice, vt Deus &c. & ens per accidens, quod constituitur ex his, quæ sunt diuersorum prædicamentorum, vt homo albus ex Phylos. 6. metaph.

Decimosexto, in ens absolutum à dependentia ad aliud, saltem primario, licet aliquando non secundo; ut sunt tria prima prædicamenta, & multa alia extra prædicamenta, ut in diuinis: Et respectuum, seu relatiuum dependens per se, & primo ad terminum suum, ut Pater ad filium; datur relatio realis, habens extrema realia realiter distincta, ex natura rei exurgens secundum Scotum in quol. q. 6. quæ, aut est actualis, vel potentialis, vniuersalis, vel particularis, actiua, vel passiuæ, aut etiam aptitudinalis, ut speculanti patefunt: Alia est intrinseca ex extremis in quacunque distantia positis exurgens, ut paternitas, & filiatio; alia extrinseca, in debita solum distantia positis emanans, ut ignis comburens, & stipula combusta; Alia est secundum esse, cuius esse est esse formaliter per se primo ad aliud, ut esse Patris, & filij; Alia est secundum dici, vel per modum nostrum loquendi, & per accidens, quo pacto omnia entia possunt dici sic relativa secundum Philof. 4. meth.

meth. Alia est æquiparantiæ, cuius extrema eodem nomine referuntur, vt simile; alia disquiparantiæ, quæ non eodem nomine referuntur, vt Pater, & filius; Alia est suprapositionis, & alia suppositionis, vt Dominus & seruus, & è contra, Alia est transcendens, vt sunt omnes relationes diuinæ, & rationis, ab actu collatiuo intellectus fabricata, vt genus, & species; Relationes omnes limitatæ sunt in prædicamêto ad aliquid; respectus verò in alijs sex prædicamentis accidentium respectiuè.

Decimoseptimo, in ens abstractum seù per intellectum separatum, vel in sua essentia absolutè consideratum: fit abstractio prioris à posteriori, cuius est causa, vt iustitia à iusto, desinit communiter in tas, tia, & do, & est genus ad omnia abstracta: In substantia fit solum à supposito, vt humanitas, in accidentibus à subiecto, vt albedo, & à supposito, seù ab inferiori, vt albedineitas, seu secundo intentionaliter, ratio albedinis; à relatiuis à fundamento, vt potentia ge-
ne.

nerandi, à subiecto, vt pater, & à supposito, vt paternitas; hæc intelliguntur ratione concretionis tantum, & per terminos primæ intentionis, non autem ratione significationis, quæ sunt plures secundum Scotum in 1. dist. 5. quæst. 1. Alia est præcisua verax, altera decisua mendax ex Arist. 2. Phys. Et concretum, seu cum alio consideratum, quod est genus ad omnia concreta, & effectus abstracti, vt iustus iustitiæ, qualia sunt communiter participia, comparatiua, superlatiua, adiectiua, et quasi adiectiua substantiæ, vt homo, quæ etiam denominatiua dicuntur.

Decimo octauo. In ens in anima, vt species intelligibiles, cognitio, habitus, & volitio; Et ens extra animam, quod non fit per intellectum creatum, vt decem prædicamenta.

Decimo nono. In ens intellectiuum, & est ipsemet intellectus intelligens, vel potens intelligere; qui vel est increatus, nempe intellectus Dei, qui ab æterno primariò se intellexit, & secundariò creaturas, dist.

Intellectus solum ab essentia ex natura rei; est tamen in eo formaliter, & necessario, cum sit principium, quo filius producit, sicut voluntas Spiritus Sancti, & non solum eminenter, ut volunt aliqui, ne multiplicent entia, cum sic non multiplicentur, saltem sine necessitate prædicta secundum Scot. in quod. q. 15. & in 2. d. 16. q. 1. intellectus possibilis, seu potius passibilis, & receptivus, non est in Deo, cum nihil recipiat, sed solum intellectus agens, seu actius, ob dignitatem, quam importat. In natura verò Angelica, & humana, est uterque intellectus passibilis scilicet, qui naturaliter recipit species intelligibiles ab intellectu agente, ac etiam reflectiones, quas ipse recipiendo, illas producit ex 3. de Anima; & intellectus agens, seu actius, qui producit species intelligibiles in intellectum possibilem; Hi duo intellectus sunt idem realiter inter se, & cum anima, licet distinguantur ex natura rei, cum duo contradictoria verificentur de eis; Et ens volitivum, ipsa nimirum.

mirum voluntas, quæ duplex est, diuina, increata, infinita, eadem in tribus personis realiter, & essentialiter; est libera ad velle, & nolle, perpetuoq; immutabilis, recta omnisque rectitudinis regulatiua, existens in Deo formaliter, cum sit principium quo productionis Spiritus Sancti secundum Scotum, & non eminenter tantum secundum alios; cuius quinque sunt signa, ipsa imperat, prohibet, permittit, consulit, & facit; efficax semper impletur, quæ quippe sic vult, totaliter, & absolute, semper eueniunt; Voluntas vero creata, & finita est in natura Angelica, & humana mutabilis ex natura sua, immutabilis in paradisi gloria ex gratia; Et actiua, quia diligit, est passiuæ, quia recipit dilectionem, seu amorem; actus eius sunt eligere, imperare, nolle, & velle; imperat sibi, intellectui, & sensui, sed à potentijs mere naturalibus non obeditur, vt patet; intellectus, & voluntas distinguuntur ex natura rei, & sunt idem realiter, & essentialiter secundum Scotum; voluntas enim est libera

bera

bera per essentiam; & intellectus necessario agens; voluntas potest annihilari, non tamen cogi, cum libertas eius sit de ipsius essentia: Phyl. parum, aut nihil locutus fuit de ea; in 1. Perier. appellavit eam electionem, & alibi intellectum practicum, faciēs de ipsis modicam distinctionem.

Vigesimo. In ens tandem quantum quantitate virtutis, seu ea perfectum, & ens non quantum, seu non perfectum ea quantitate, & hoc theologicè, non physicè secundum Scotum in quolib. q. 5. in Theologia, enim sunt quædam entia, quæ non dicunt formaliter perfectionem, nec imperfectionem, vt relationes personales, licet sint perfectæ realiter fundamentaliter ratione diuinæ essentiæ formaliter perfectæ, distinctæ ab ea, nihilominus ex natura rei.

Prænarratæ diuisiones non sunt ipsius entis in prima notione, seu transcendentiſſimè sumpti, seu considerati immediatè, tunc enim est tantum sua essentia indifferens ad omnia entia, & non aliquod ipsorum, nec substantia.

stantia, nec accidens, & sic de singulis. In secunda notione, seu transcendentaliter sumpti, seu omnibus entibus applicati, sic sunt ipsius diuisiones immediate; applicatum enim substantiæ, est substantia, applicatum accidenti, est accidens, & sic de cæteris; De qua entis acceptione dicit Arist. 8. meth. tex. 10. (quauè vtitur Scotus frequenter serè vbique, admodum vtiliter) ens non est quid, nec quantum, &c. denotans primam notionem, & deinde dicit, ens est quid, quantum, &c. denotans secundam notionem entis; & hæc pro nunc satis sint.

Quanam verò diuisio entis realis, & sic sumpti, sit prima diuersi diuersa opinati sunt. Aquar. ait cap. 22. Suarū formal. illud primo simpliciter diuidi in ens reale, & rationis, cum hæc tradatur per membra magis distantia; sed ordine doctrinæ in decem predicamenta ex Arist. 5. meth. idemq; alij asserunt Caiet. p. 1. D. Thom. existimat diuidi in infinitum, & finitum cum Scoto; Simplicius in
causa

causā, & causatum: Soncinus, & alij in vnum, & multa; Auer. diuersis in locis in ens per se, & per accidens, in decem prædicamenta, in substantiam & accidens, & in potentiam, & actū; Scotus q. 5. quol. in quantum, & non quantum, comprehendendo theologicè relationes diuinas personales, quæ non sunt formaliter quantæ; primo verò meth. q. 1. dicit cum alijs diuidi physicè in infinitum, & finitū modos intrinsecos, comprehendentes omnia entia. Vallonus verò ait in suis formal. diuidi in Deum, & Creaturam, cum sic fiat per quidditates, quæ sunt priores modis intrinsecis; elige tu quam vis, parum enim, aut nihil referre videtur hæc primitas, cum satis sit scire, quot modis diuidatur ad maiorem eius amplitudinis cognitionem, & aliarum scientiarum vtilitatem.

Cum modi intrinseci à Phyl. in prædicamento qualitatis in fine, & 2. Phys. de causis, à Theologis, & formalistis, in rerum natura ponantur, hic de eis summam agam pro maiori

iori formalitatum notitia. Modus non dicitur formaliter res, cum non sit propriè res, sed modus, seu gradus rei; dicitur intrinsecus negativè, cū non dicat aliam formalitatē à formalitate rei, seu modati. Modus intrinsecus est secundum Scot. in 1. dist. 8. q. 4. qui additus alteri, vel remotus ab eo, non variat rationem formalem eius, cum sit per se inconceptibilis, sed solum cum modato concipitur, vt de infinitate, & aliis liquido patet; ideoq; non sunt in genere directè, sed indirectè, seu reductivè, in eo scilicet, vbi est modatum, vt intensio caloris in genere qualitatis; nec predicatur per se de modato, sed per accidens iuxta modum predicamentorum, inquit, vel quale, &c. cum ex se sint illimitati. Modatum potest definiri sine modo, cum fundamentaliter, vt res, sit prius modo, licet fortè, non formaliter, vt relatio. Modus autem è contra, non potest definiri sine modato secundum aliquos, cum sit posterior, & effectus formalis formaliter ipsius modati
(quam-

(quamvis alij oppositum asserant) nec propterea dat ei esse. Modus intrinsecus non est passio, sed prior passione ex natura rei, secundum Scotum q. 6. quol. ar. 1. & 2. post. q. 6. Cum prædicetur de modato in primo modo dicendi per se, (licet non totaliter) & ponatur in definitione eius realiter (licet non formaliter) identicè, immediatè, & à se, passio verò mediante subiecto; nec etiam est differentia, cum hæc ponatur per se in definitione definiti, dans ei esse, faciensq; cum genere compositionem ipsius; habet modum prædicandi determinatum in quale quid, & est verè res, quæ non conveniunt modo, ut patet. Modi intrinseci Dei sunt ex natura rei communiter hi, infinitas, aternitas, & necessitas. Infinitas est modus intrinsecus, qui & quantitas virtutis dicitur secundum Scot. q. 5. & 6. quol. cum non sit prædicatum quidditativum, nec qualitativum Dei, ipsius enim prædicata quidditativa sunt deitas, entitas, existentia, vita, Spiritus.

ritus; qualitativa verò, sapientia, bonitas, misericordia, &c. non secundum rem, cum in eo non sit qualitas per se, sed extrinsecè, & per accidens secundum modum nostrum intelligendi, & predicandi, quorum nullum est infinitas.

Erit igitur prædicatum modale, medium inter illa, conueniens modo intrinsecò; prædicata enim Dei modalia sunt infinitas, necessitas.

Æternitas secundū Scot. in quo loco citato ex Boetio 5. de Cons. & est, interminabilis vitæ tota simul, & perfecta possessio.

In qua definitione continetur vnum positivum, nempe vitæ, & tres negationes, scilicet termini, successionis, & dependentiæ, ut notum est; æternitas est modus intrinsecus formaliter secundum aliquos, existentia diuinæ appropriata, licet reuera etiam essentia, cum sit prædicatum medium inter quidditativum, & qualitativum, modale scilicet, non autem fundamentaliter, cum non distinguatur, ut sic, ab infinitate

cf-

essentia Diuina, nisi ratione. Alij
verò tenent oppositum, & Scotus
vbi supra manet problematicus. Ne-
cessitatem verò nulli dubium est es-
se modum intrinsecum Dei; existen-
tia autem actualis Dei non est mo-
dus intrinsecus eius, vt vult Fran-
ciscus de Mayronis, cum Trombetta,
& nonnullis alijs Scotistis, sed est de
intrinseca ipsius ratione secundum
Scot. q. 4. quol. vbi ait: In diuinis
est vnica existentia, sicut vnica essen-
tia, sicque prædicatur, vt ipsa, in pri-
mo modo dicendi per se, modus ve-
rò in secundo, vt supra.

Modi intrinseci in creaturis ex ip-
sarum natura sunt, existentia, finitas
intensio, remissio, extensio, contin-
gens, necessarium, per se, per acci-
dens, et similia. Existentia actualis
in creaturis est primus effectus Dei
respectu producibilium ad extra, et
modus intrinsecus eorum secundum
Scot. in 2. Post. q. 4. et 6. cum ipsa non
sit de intrinseca ratione essentia
creaturæ, licet sit eadem realiter, et
formaliter cum ea, à qua solum ex na-
tura

tura rei distinguitur, cum existentia dicat entitatem actualem cum tempore presenti, vel quo, essentia autem abstrahat à tempore, vt apparet; vnde nota diligenter, omnem rem naturalem primo habere esse essētię, secundo aptitudinale, seu producibile, tertio potentiale, et quarto actualis existentię, modus intrinsecus eius: Nec non sequentia conducunt ad idem rectè perpenſa.

Realis dicitur à re, quę prima impressione imprimitur in mente ex Arist. 1. met. cap. 5. res dicitur à rato, seu firmo, quia debet esse firma, et stabilis cum existentia actuali, vel à reor, idest opinor, sic omne ens cognitum, seu imaginabile dicitur res; dicitur, verò res essentię, existentię, et subsistentię transitiuę, idest sunt essentia, existentia, et subsistentia; constructio namque est duplex intransitiua dum res nominis recti non transit in aliam rem nominis obliqui, vt equus Platonis; Et transitiua, dum res nominis recti transit in aliam rem nominis obliqui

vt

vt hic, res essentię, et similes, cum idem per vtrumque nomen importetur. Ille tres res, licet aliquando confundantur, sumendo vnā pro alia, propriē tamen aliquo modo differunt res quippe habens esse substantię, habet etiam esse existentię, et essentię cum posterius includat prius, sed non ē contra ratione contraria, vt patet in forte.

Deinde esse essentię, et existentię sunt suo modo in omni genere, non autem res substantię quę est solum in predicamento substantię subsistens, est incommunicabile, vt quod cum non prædicetur de pluribus, et vt quo, cum non sit forma, nec habeat rationem formę, aut partis, vt fortes communicabile quoque sibi oppositum, dicitur communicabile, vt quod, cum prædicetur de pluribus vt homo, et vt quo, vt anima, vel vtroque modo simul, vt albedo formarum alia dat tantum esse, vt essentia diuina non iaformans, et alia facit vtrumque suo modo, vt anima, et albedo.

Inter indiuiduum, singulare, suppositum, et personam est aliqua differentia, secundum formalitates, ac Theologos, licet Arist. parum, aut nihil expresse dixerit de eis, Differunt tamen prima duo, quia indiuiduum infert singulare sed non è contra, cum singulare reperiatur in omni genere, et indiuiduum propriè in prædicamento quantitatis, cum, secundum aliquos dicatur indiuisum à se et diuisum à quolibet alio, et Porphyrius dicat esse id quod predicatur de vno solo, Suppositum autem, et persona sunt solum in prædicamēto substantiæ incommunicabiliter, vt quo, et vt quod vt supra dictum est, et vnum (puta persona) infert aliud, sed non è contra persona quidem addit supposito intellectuallitatem, vt notum est ex definitione ipsius, est intellectuallis naturæ indiuidua substantia secundum Boetium, vel secundum Theologos, est intellectuallis naturæ incommunicabilis existenti, quæ priorem declarat diciturque persona, quasi per se vna.

Es-

Essentia, natura, substantia, quidditas, & formalitas non sunt penitus idem; essentia namque reperitur suo modo etiam in secundis intentionibus, cum & ipse definiantur à Porphyrio, & alijs, licet per se non moueant intellectum, sed per aliud, scilicet per primas intentiones; natura verò sic, cum sit principium motus, & quietis secundum Phyl. Qualitates actiue dicuntur impropriè natura, ratione suæ actiuitatis: Quidditas, & formalitas differunt ab essentia, cum in Deo sint plures quidditates, & formalitates, vt vita, spiritus, & alię, vna tamen solummodo essentia.

Totum Physicum distinguitur realiter à suis partibus, vt humanitas ab anima, & corpore. Aduertendum tamen non necessario requiri ad distinctionem realem, vt ambo extrema distinctionem realem, vt ambo extrema distincta possint ad inuicem separari, simulque separatim existere, sed sat erit vnum ipsorum existere, altero non existente, vt patet expressè de Anima, & Corpore,

& de anima, & potentijs eius, quæ iuxta D. Thom. distinguuntur realiter, cum Anima sit substantia, & potentia qualitas ab inuicem separabiles ex Aquar. vbi supra, cap. 6. prope finem; Vnde dantur distinctionis realis gradus secundum Scotum 3. d. 2. q. 2. videlicet corruptibilis ab incorruptibili, gignentis à genito, dependentis ab independente, producentis à producto, causæ ab effectu, & rei existentis ab alia re similiter existentæ. Vnus ergo istorum modum sufficit ad talem distinctionem realem, altero tantum extremo remanente.

Necessitas secundum Arist. 5. meth. tex. 6. sumitur multis modis, primo pro eo, sine quo nequit aliquid bene fieri, vt sunt prædicabilia ad intellectionem prædicamentorum: secundo pro inevitabili, vt mors est necessaria: tertio pro immutabili, vt Pater necessario producit filium, & pro necessitate indigentia, de qua dicitur, de necessitatibus meis libera me Domine: quinto pro necessitate

vii.

violentie, vt extracto de suo loco naturali lapide necessario inclinatur ad illum redire: sexto pro necessitate exigentia, quæ ponitur in diuinis, & humanis, vt pater coexigit filium ex sua abundanti fecunditate, & logica exigit grammaticam; sic etiam necessarium secundum eundem Arist. ibidem sumitur multis modis; primo pro eo, quod non potest, nec potuit nec poterit esse sine eo, vt Dem, & hominem non esse: secundo pro eo sine quo res non potest esse, vt animal sine cibo, & homo sine vestimento; & tertio pro necessitate violentie, vt necessitas me compulit.

Ista quatuor; natura intellectus, natura viuens, natura substantialis, & natura vniuersalis, se habent sicut inferius ad suum superius, sic etiam se habent productiones, nam producere in natura intellectus est dicere, in viuente nasci, in substantiali generari, & in vniuersali produci; & vt inferius infert superius, ita natura intellectus infert alias natura; & dicere infert nasci; & alias produ-

ctiones, & ab illis prioribus abstra-
hantur superiora, seu illata, vt liqui-
dò patet discurrenti, in his perito.

Negatio est triplex, nempe ne-
gans, quæ cadens supra copulam,
principalem facit propositionem ne-
gatiuam, destruens quidquid inuenit
post se, vt nō homo currit, id est nullus
homo currit, & dicitur secundum Sco-
tum in 1. d. 23. & 28. q. 2. negatio ex-
tra genus; Alia est negatio priuans,
quæ negat actum in subiecto, non
autem aptitudinem eiusdem ad ip-
sum, vt homo cæcus, seu non videns,
quæ dicitur negatio in genere à Sco-
to loco citato; Alia est negatio in-
finitans, quæ cadit supra nomen, vel
verbum, illudq; infinitat, & dicitur in-
finitatum, cum eo sit nomen, vel ver-
bum vnum infinitum, importans om-
nem aliam rem (ac etiam non ens, vt
chymera, à re per nomen simplex
infinitatum significatam, vt non ho-
mo. Possent hic multa alia, ad hanc
materiam spectantia, apponi, quæ
breuitatis gratia omittuntur.

L A V S D E O.

INDEX.

Distinctio & identitas proformali,
& materiali. 9. Distinctionū, &
identitatū numerus secundum Thomi-
stas. & Scot. 10. 11. prima realis 12. 13 se-
cunda inclusiva intrinsece, seu forma-
lis. 14. 15 Tertia inclusiva extrinsece,
seu obiectiva. 16. 17 Quarta respectiva,
seu subiectiva. 18. 19. Quinta essentialis
20. 21 Sexta rationis ratiocinatae, seu
ex naturae rei. 22. 23. 24. Septima ratio-
nis ratiocinantis seu rationis 25. Ma-
ior & minor dictarum distinctionum,
& identitatum 26. inter se differunt 26.
Differentia inter res essentiae, existen-
tiae, & subsistentiae. 46. 47. Inter indivi-
duum singulare, suppositum, & per-
sonam. 50. inter essentiam, naturam,
substantiam, quidditatem. & forma-
litatem. 51. Ista quatuor qualiter se
habeant ad invicem. natura intelle-
ctualis, vivens substantialis, & uni-
versalis. 53. In eadem re inveniuntur
omnes 7. distinctiones 26.

Celum componitur ex materia, &
forma. 53. Con-

Constructio transitiva, & intransitiva quid 48.

Ens non est genus ad decem prädicamenta 27 prädicatur tamen de Deo, & creaturis, deque Deo, & suppositis diuinis uniuoce, & analogice non autē de differentiis, & passionibus 29. Diuiditur multipliciter 30. Ens reale, rationis, creatum increatum, finitum infinitum. 30. mortale & immortale causa multiplex & causatum. 31. in potentia, & in actu multiplex. 31. vniuersale multiplex, & particularis, dependens, independens. 32 simplex, & compositum multipliciter 33. mutabile, & immutabile, necessarium, contingens, vnum, & multa multipliciter. 34. simpliciter, secundum quid, per se, per accidens. 35. absolutum, & respectuum multiplex. 36. abstractū multipliciter, & concretum. 37. intellectuum, & volituum multipliciter 38. quantum, & non quantum. 41. Entis prima & secunda notio 41 aternitas Dei quid. 48.

Formalitas a forma dicitur, & definitur 8. De prima entis diuisione plures opiniones 42.

Mo

Modi intrinseci sunt in rerum natura. 43. cur dicitur modus intrinsecus, quid sit est in genere modati reduciue. 44. non est passio, nec differentia. 45. Modi intrinseci Dei ex natura rei quot, quidue sint. 45. sunt predicata rerum modalia, media interpretata quidditatiua, & qualitatiua Dei improprie. 45. & 46. modi intrinseci rerum ex ipsarum natura quot, & qui. 47.

Necessitas sumitur multis modis 52.


Negatio negans, infinitans, & priuans, intra, & extra genus quid. 54.

Ordo essendi natura.

Realis vnde dicitur. 84.

Subiectum materiale, & formale scientie huius libelli. 9.

Totum phisicū distinguitur realiter à suis partibus, 51. cuius distinctionis dantur plures gradus. 52.



THE UNIVERSITY OF CHICAGO
LIBRARY
1000 S. MICHIGAN AVE.
CHICAGO, ILL. 60607
U.S.A.

THE UNIVERSITY OF CHICAGO
LIBRARY
1000 S. MICHIGAN AVE.
CHICAGO, ILL. 60607
U.S.A.

